



国家出版基金项目
NATIONAL PUBLICATION FOUNDATION

民國史料叢刊

續編

0965

孫燕京 張研 主編

史地·歷史

中國國民黨史稿（二）



大象出版社

民國史料叢刊

續編
0965

孫燕京 張研 主編

史地·歷史

中國國民黨史稿(二)



大象出版社

中國國民黨史稿（二）

持會。總攝皖政。人心稍安。

有皖人黎宗嶽者。於潯軍離皖後。聯合青紅幫。佔據大通。孫毓筠率淮上軍王占一所部赴省時。過大通。爲宗嶽所阻。孫折回南京。再由第一軍長柏文蔚派朱雁秋率隊護送抵省。卽月就都督職。委任桂仙峯爲軍政司長。胡萬泰爲司令。洪朗齋爲民政司長。黃書霖爲財政司長。同時有韓衍（字蒼伯）易月邨（號白沙）高語罕組織學生隊。號青年軍。槍斃某偵探。鎮服一切反動份子。

當孫毓筠蒞皖時。南京初下。淮上軍新敗於潁州。長淮以北。危殆不安。管鵬分所部之半。屬胡萬泰留省。另率一部分駐紮測繪學校。急急主張北伐。并力薦段志超爲北伐司令。自請爲參謀以輔之。孫納其言。遂於十一月下旬。誓師北伐。共分馬步七營。取道蕪湖合肥馳抵正陽關。與第一軍支隊盧慈甫軍相會。合肥軍政分府亦遣步兵一團。以劉文明率之。加入作戰。十二月初十日。敗敵軍於潁州東鄉。敵將倪嗣冲幾被獲。退守城內。我軍進圍之。盧司令受傷。次晨。敵方增加援兵。我軍新勝氣驕。指揮不能統一。相率驚潰。退駐正陽關。各軍互相誘過。先是山東游俠王士秀。（後名金韜）佔據隅陽。敵將張勳韓大五分兵圍之。與潁州敵軍相特角。士秀無子彈。派楊某代表投効皖軍。因是皖軍定計。段志超率大隊向潁州。正面進攻。另由管鵬率支隊。往救士秀。藉滅潁敵之外援。行次關驢集。（鳳台隅陽交界）士秀親來領取子彈。

。受令內外夾攻。未至其時。而攻穎之我軍敗耗飛來。士秀終不得救。未幾。南北和議成。各軍奉令班師。

蕪湖原駐李葆林所部三營。當省政紛亂時。由黨員吳振黃劉祺等。運動反正。設立軍政分府。內部稍有爭執。由省方派來吳暘各辦理之。吳振黃主分府事務。李葆林爲司令。劉祺爲參謀長。地方秩序。賴以安寧。

合肥介居江淮之間。廬州府治在焉。於軍事上極爲重要。黨員孫萬乘自上海回合肥。協同李誠庵李次宋吳陽初等作革命運動。有季光恩者。率巡防營駐合肥。時聞壽州已光復。乃於九月十九日。開全縣各界大會。議決組織軍政分府。推孫萬乘爲司令。方紳言副之。出兵北伐。南北統一後。各地無分設軍府之必要。蕪合兩分府。先後取銷。

十一、廣西光復

九月十六日。光復廣西。紀元前十年九年間。柳州股匪蔓延。黨員李德三欲聯絡之。冀得乘機而動。時岑春萱督兩廣。適因東省善堂左麟書。以招撫請。岑乃命左協同德之赴柳辦理。諸匪首陸阿發等。俱願聽德之指揮。已就撫。得各股匪改編成軍。德三方竊自負。候機而動。不意爲官吏所疑。聞有勅令繳械解散消息。德三乃潛歸里。各首領亦復其綠林態度。紀元前八年。龍岸紳商。議辦民團。公推德三管帶。土匪以素有聯絡。相戒不敢侵犯。是年冬。忠字營統領

黃忠浩。患土匪猖獗。命德三設法招撫。德三應命往。陰說以大義。令人革命黨。而表面陽爲官軍。免爲民害。於是匪首謝源安歐正光歐華周等。皆願就撫。黃卽委德三爲先鋒幫帶。未幾。黃聞德三有隱謀。收德三於獄。數月始出。至紀元前四年。德三與同志張鐵臣陳曉峯等。在濟軍當差。時竊出大宗軍械子彈。積數十萬秘儲於柳州樟腦公司。并開華照客棧。實欲借此爲機關。接納志士。以謀大舉。嘗與同志登鯉峯。測繪柳州城地圖。以備舉義之用。後爲清吏所覺。遁去。劉古香周放年王獅靈劉震寰等。亦在廣西進亡革命。震寰復在桂林創辦民鐸日報。鼓吹民族主義。紀元前一年正月初二日。南寧城新舊軍人。約同鮑義。時舊軍駐青山塔。去城三十里。有一哨官。不肯同謀。衆斃之。擬夜同時佔軍械局。入宣化縣監獄。放同志劉瑞棠劉捷三人出獄。然後起義。是夜標營武裝同志。槍斃營長鄭開文。不中。以致舉事不成。提督龍濟光。方悉黨人希圖大舉。龍派親軍大行搜捕。被捕去黨員五人。嚴訊畢。偕劉瑞棠等。共七人。押赴北門斬首。新舊軍人。因是潛逃者數十人。餘悉繳械。事遂敗。及武昌舉義。劉古香王獅靈劉震寰周毅軍柯連城王冠三等。各就地方舉義。巡撫沈秉堃見狀。知大勢已去。於九月十六日。與布政使王芝祥。諮議局議長秦步衢。議決獨立。十八日。復以沈秉堃王芝祥陸榮廷名義。電各府縣獨立。二十日夜。陸以防營第二十四。第十五兩隊暴動。先劫藩庫。次占諮議局。電報局。沈於是萌退意。藉口北伐。解印綬。去湖南。陸榮廷遂爲都督。至十月初九

日。陸見黨軍甚多。乃與商定四事。一、民軍編爲北伐隊。二、取銷專制官廳。革除弊政。三、就南寧組織廣西臨時軍政府。實行改革。四、清理全省財政。以濟軍需。及陸榮廷赴桂林。譚浩明繼其事。以黃大培爲佐。即取銷原議。厲行專制。各路民軍大憤。將發難。毅軍恐一旦決裂。糜爛地方。設不幸損害外人資產。更召外患。牽動大局。冀與譚浩明面解一切。浩明拒而不見。繼以函達。竟拂其意。竟與黃大培及管帶商聚金等。謀殺毅軍。而毅軍死矣。時紀元前一年十一月初七日。當時黨軍散在外府。廣西政權。乃入於陸榮廷之手。

十二、吳祿貞被刺

十七日。吳祿貞謀舉義。事洩。被刺。死之。吳祿貞湖北雲夢縣人。十七歲。入湖北武備學堂。以列前茅。派遣日末士官學校肄業。拳匪之亂。聞唐才常起事漢口。即歸。謀據安徽大通以應。及唐事敗。再赴日本。及畢業歸國。累陞至六鎮統制。武昌事起。請以所部往。清廷疑之。令其從督師行。擬戕諸途。吳疑有異。稱疾不行。乃往說第二十鎮張紹曾及奉天混成協藍天蔚。使藍草奏稿。列十二款。用張名以要清廷。時張駐灤州。所謂灤州軍變也。意清廷不能容。即以此爲名。合張葉及所部第六鎮兵。三面合攻。北京必破。革命可成。乃清廷接張等條陳。大懼。即命資政院議決憲法十九條。公布國中。以爲搪塞。吳之謀遂左。會山西獨立。清廷命吳爲山西巡撫。率所部往。行至石家莊。與同志議。謂不可進。且當聯合山西義軍。逼清帝

退位。十三日。遣人至娘子關。招山西軍。山西軍軍長仇亮。吳之同學也。一時未明真相。不應。吳乃單騎赴娘子關。與仇歡敘。至於夜半。明日。仇率所部五百人。回石家莊。吳即電灤州張紹曾等起事。不幸電爲直隸總督陳夔龍扣留。留石家莊十餘日。不見張覆電。是月十七夜。竟有兵士襲吳駐地。吳及仇亮所率兵。均離遠。不能救。而敵來益衆。總統張華魁。持大刀當敵。身中數十彈。斃。吳及參謀官張世膺副官周維楨均遇害。先是吳部下第十二協協統周符麟。密以吳謀告蔭昌良弼。蔭良因重餌之。及袁世凱出任內閣。更忌吳。乃令其便宜行事。故遭此禍。

十三、廣東光復

九月十九日。廣東光復。廣東自本年三月二十九日失敗後。各省黨員。多回各省進行。即本省黨員。向在內地者。亦不能立足。紛往海外。或港澳。一時未能爲大舉進行。乃從事暗殺。迨四川鐵路風潮起。黨員漸集。及武漢起義。黨員乃急進行發難。時分部籌畫。期於同歸。朱執信胡漢民等。計畫廣州起義。另一部。計畫省外起義。省外分爲四軍。東江爲第一軍。陳炯明任之。北江爲第二軍。徐維揚任之。西江爲第三軍。蘇慎初任之。韓江爲第四軍。屬之姚雨平。姚未回。各人分地進行。而鄒魯則居香港籌策各方。九月四日。鳳山被炸。清吏震動。九月十一日。陳炯明及黃和順等起義於東江。疊與陸路提督秦炳直苦戰。嗣附省及省外各屬。如何

堯夫黃明堂高劍父莫非彭任鶴年陸蘭清李福林王興中周之貞等。亦紛紛舉義。紳商各界。集議文瀾書院。議獨立。並豎旗燃炮。張鳴岐初有允意。後聞武漢方面有小挫訊。乃令龍濟光捕人。至是義軍範圍益廣。本省亦紛起義。李準先通款於本黨。謝良牧等。進行甚力。十八日。紳商集諸議局。再議獨立。十九日。決議辦法十條。

一、歡迎民黨組織共和政府臨時機關。

二、宣布共和獨立。電告各省及各國。

三、所有向日官吏。願爲新政府服務者聽。惟必宣誓忠於中華民國。

四、所有旗滿人。一律看待。

五、調新軍回省。一律給還槍彈。併將退伍兵士。概行撤回。所有巡警防營。仍舊服務。

六、所有士農商工各界。各安常業。新政府担任保護。

七、管理財政局。向日該管人員。不得擅離職守。俟新政府派員接收。

八、釋放罪囚。許其改過自新。

九、對於省會及各處會黨。以前所犯。一切不問。自新政府宣布之後。不得有擾害地方治安行爲。

一〇、練民團。

並舉張鳴岐爲都督。龍濟光爲副都督。協統蔣尊簋爲軍事部長。卽舉陳恩華祥康黃謙三人爲代表。冀印信公文於張鳴岐。張得總理獻城歸降之勦。又怯於黨人之勢。匿沙面。各司道一府兩果。均於十八晚先後逃去。龍濟光亦拒副都督職。乃再開會。舉胡汧民爲都督。胡未到省。舉蔣尊簋爲臨時都督。衆歡欣鼓舞。卽時懸中華民國國旗於諮議局之上。二十日。胡漢民偕港紳十餘人至。開大會。胡漢民就都督職焉。廣州定。而惠州及各屬亦紛紛光復。

廣州光復之後。都督胡漢民。卽令組織北伐軍。以姚雨平爲總司令。中堅同志。多集中焉。林震鄒魯羅熾揚李濟馮祝萬吳雨蒼陳銘樞等。其著者也。軍械亦選至精者充之。餉項亦至充裕。將強。兵精。械良。餉足。實當時各省北伐軍之最精者。另有華僑敢死隊。女子北伐隊等。女子北伐隊爲徐慕蘭宋銘黃鄂芬黃芙蓉許劍魂許漢英陳秉卿譚錦蓉梁英顏黎興漢賴軍華陳振權梁國體嚴淑姬梁雪君劉偉朋陳漢興梁荃芳湯蓮黃志德等二十餘人。廣州光復之日。同日潮汕亦光復。

潮汕自黃崗之役失敗後。人心震恐。清吏肆虐。黨員雖有同盟分會之組織。卒以時機未至。不敢輕舉。紀元前一年三月。同盟分會改爲會團組織。以張立村爲會長。謝魯選、黃虞石、許無畏、徐淑希、吳煒光、孫丹涯、方次石、蕭公溥、邱立庭、王翌黃、陳勵吾、蕭敏吾、盧青海等。以次皆有職掌。武漢起義。消息傳至潮汕。潮汕同志。莫不興奮。張立村之同盟分會外。

梁金鯨設機關於美華洋行爲一派。劉任臣何子因爲一派。張玉堂爲一派。各統所屬。以圖大舉。

九月初旬。訛傳省城獨立。汕頭居民。亟思自保。統收巡警財政之權。舉高繩之曾幸存主財政。黃虞石魏潛之主軍政。葉楚傖吳子壽主機關部。高繩之更創商團。以增實力。清守陳兆棠聞而解散之。

十九日。廣州獨立。張立村、梁金鯨、郭典三、王翌黃、陳勵吾諸人。各以所屬起義。孫丹涯等亦挾槍彈而起。招收降卒。遣散防兵。汕頭略定。遂組織粵省第四軍。以張立村爲司令長。克汕之翌日。蕭公溥徇潮陽。黃虞石徇澄海。方雲漢卒學生數十人入黃岡。朱世熙因在黃岡軍中製彈。爆發。死之。蔡德亦率所屬與龍驤戰。龍驤敗走。方次石略普寧。郭典三略揭陽。與防兵戰。死之。防兵亦散。何子因劉任臣遂以所屬駐揭陽。各立民政長。此外豐順長樂大埔嘉應各屬。亦各逐宰令而自立。

二十二日。簡師入潮安。張立村率兵先行。陸宴如徇庵埠。合孫丹涯方次石師。直迫府署。知府陳兆棠。佯獨立。一面陳兵相見。丹涯次石。索繳械。兆棠佯許之。陰實備戰。鎮署總兵趙國賢欲逃。爲張壯飛所阻。縊死署中。梁金鯨部巡市禁賭。與兆棠部衝突。唐鐵魂因卒兵彈壓。被擊傷。死焉。二十八日。張則通率汕兵二百至。令張立村孫丹涯謝魯選陳勵吾陸宴如方

雲藻王翌黃黃作舟之衆。以擊兆棠。兆棠兵敗。被執。戮之。潮汕光復。

十四、東三省舉義

九月二十日。舉義東三省。東三省革命之首倡者。爲張榕。榕年二十二歲。入北京大學。日俄戰時。憤國勢衰弱。棄學回遼東。毀家募兵。謀東三省獨立。一時附者數萬。旋事洩逃。錢拯商震。因繼張旗鼓。鼓吹中下級社會。然張榕既走於外。錢拯爰利用馮麟閣兵力。又不得手。革命之勢遂挫。越三年。柏文蔚因孫毓筠下江寧獄。以避嫌至。張樹侯因謀皖失敗。亦避禍至。又四年。吳祿貞爲延廷督辦。引用同志。熊成基之徒。如高宜權孫師武等。均由哈爾濱至吉林。風聲所播。革命之勢。轉盛。然無統一之機關。難期步驟之一致。張根仁等於政學各界。曾有組織。而勢仍渙散。及武昌事起。吳景濂即號召各屬議員紳士。組織保安會。推趙爾巽爲會長。然趙爲東三省總督。其不能脫離清廷。人所共知。至是黨員大譁。乃舍趙而舉張紹曾。張以外交爲辭。不敢就。乃舍張而舉藍天蔚。藍方有事於外。不能在職。各黨機關。又各自爲謀。張榕見狀。大懼。乃與張根仁吳景濂柳大年等。謀組一總機關。以資提挈。衆贊同。遂成名曰急進會。自是各界代表。爭先入會。開會五次。推張根仁張榕主機關事。吳景濂爲代表。出席於上海臨時會議。楊大實至藏河。約顧人宣編成勁旅三千。又推趙元壽赴吉林。趙中縣至海城。陳青州至營口。黑龍江。張亞馨至長春。組織分會。部署既定。積極進行。未幾。商

震祁星辰起於遼陽。鮑化南起於鳳凰城。劉藝舟何秀齋左雨農起於安東。劉寶書起於東平。張振仁率淮軍舊校十數。會遼西軍事部長辜天保。炸斷京奉路線。然清軍圍之。困於當陽。柳大年劉成等轉關而入。謀解圍。卒以衆寡不敵。張根仁等被擒。入獄三月。釋出。然張榕柳大年張璟劉惠芳王樹棠關聚山田豐關麟祥關麟堯諸烈士死矣。

十五、福建光復

二十一日。舉義福建。自日本組織中國同盟會後。各省有志革命之士。紛紛加入。福建最初加盟者。有林文等十餘人。迨取緬風潮發生。罷學歸國。乃於祁州成立中國同盟會支部。創辦建言日報於城外梅塢嶺。是爲支部之機關。分遣黃光弼林師肇施明許卓然往建安莆田泉州廈門設立機關。擴充會務。辛亥三月廿九日。廣州之役。事先由同盟會本部。召集黨員。赴粵首義。福建黨員。除由東京直接赴粵者外。並由吳適劉元棟担任招募連江閩侯之有志並富膂力者。四十餘人。率以赴港。是役結果。除黨員死難者外。其臨時招募之四十餘同志之中。死難者亦十餘人。

滿清季世。國內革命風潮。亦漸湧起。福建內地。有志者曾秘密合組愛國社。其進行事業。分爲三部。連結會黨。預備實行。則以彭壽松主之。宣傳宗旨。結合青年。則以黃展雲所辦之侯官學校爲中心。聯絡社團。反抗秕政。以激發民氣。則以林斯琛等所辦之社會辦事處爲中心。

又紀元前五年。清廷令各省編練新軍。並開辦武備學堂。養成軍事人才。當時福建軍隊。因自成同時代。左宗棠率兵入閩以來。所有官兵。類多湘籍。且以入哥老會者爲多。均富於排滿扶漢思想及冒險性質。時孫道仁革命練兵。福建於紀元前十年。成立常備軍。左右兩鎮。後二年。開辦講武堂。延日本士官學校第三期卒業之許崇智爲幫辦。兼總教習。許富於革命思想。年齡最輕。而天才開展。決心極快。既主持校務。遂於教授軍事學術之餘。灌輸各學生以革命思想及理論。又教授陶鈞等。亦於校中從事鼓吹。自是革命種子。遂廣漫播散於福建軍隊中。是爲第一次福建革命成功之主因。

紀元前一年三月廿九日。廣州之役失敗後。同盟會本部。改變方略。決於長江方面起事。並通令各省支部。積極籌備響應。福建支部。接到通令後。乃由彭壽松担任。另組機關於城內。專任介紹軍警人員加盟。定名爲福建軍警同盟會。運動各部目兵。漸及下級官長。以張祖漢彭蔭祥主其事。時許崇智已就任常備軍第二十協協統。因公晉京。迨返閩後。鑒於時機之迫切。乃召集各部高級軍官。及未加入之下級軍官。一體加入同盟會。共同從事於革命。倒滿之工作。時總督松壽。將軍樸壽。均爲滿人。武昌事起。樸壽即將槍彈運旗人街。旗人街且置巨砲。凡十三歲以上男子。給槍一挺。彈幾顆。女子小刀一口。誓看革軍起。即與戰。九月十七日。謠言繁興。謂旗兵攻新軍。新軍多革命。爲旗人敵。是日午後。諮議局與民衆。議決立新政府。

十八日。致書松壽。求交回政權。並以四款要樸壽。一、旗人全部服從新政府命令。二、旗兵所有械彈。交新政府。三、裁撤漢滿區域。四、旗人俸祿。照舊發給。松壽以事勢至此。不能挽回。從之。樸壽獨曰不可。許崇智時任第二十協統。乃就革命軍總司令職。攻旗人。

時加盟革命之軍隊。駐在省垣者。僅一旅左右。不及清將樸壽等所部之兵力。惟武漢舉義消息傳到。人心興奮。官兵敵愾之心甚強。事前分配任務。推定彭壽松爲同盟會會長。孫道仁爲都督。王麒爲司令。林肇民許崇智爲參謀。至軍事佈置。因彭不知兵。孫等知兵而膽小。遂以全權付諸許崇智主持。當時佈置大略如下。一、以蔣國斌一營駐北庫。該庫在福州城內屏山下。爲旗營火藥庫。時我軍各營子彈最缺。自蔣營駐後。日夜由各營官佐私取子彈。一日爲管庫員旗人某察覺。蔣氏卽以威嚇手段。迫其加入同盟會。隨以金錢周其困乏。該員迄不敢舉發。各營子彈藉此補充。二、以賀能斌砲兵營駐于山。于山亦在福州城內。對於旗兵駐所。及將軍都統總督各衙門。均能居高臨下。控制一切。爲最重要之砲兵陣地。革命發動後。敵人疊以重兵猛撲該山。均被擊退。敵因未能奪回該山。終至不支。三、固結賀澤遠以挽回徐鏡清。當時清將樸壽等。以革命風聲日緊。電調其親信之延建巡防統領徐鏡清率帶一團入省。以厚兵力。該部抵洪山橋時。適爲九月十八日。許氏素知賀統帶澤遠。與徐同鄉交厚。彼此所部官兵。又均是湘籍。遂親自請賀前往勸導徐加入革命。徐感於將軍樸壽等知遇。又迫於孫統制道仁與賀氏

交情。且諗已部官兵。傾向革命。不得已涕泣允之。入城後。遂與革命軍一致動作。向敵攻擊。

初本定九月廿日。行總攻擊。不意未至期。已爲清將樸壽等所知。乃提前於十九日晨拂曉攻擊。雙方接戰。火力極猛。旗兵因生死關頭。抵抗甚力。許接旅長杜特電話。知戰況緊急。乃親赴子山陣地。激勵官兵。指揮猛攻。迨至是日下午。敵漸不支。未幾。遂豎白旗表示降服。松壽自殺。二十日晨。旗人去白旗。行反攻。占井樓門。許率軍與再戰。敗之。樸壽陣亡。都統勝恩擒。旗兵繳械降。大局定。福州全城遂入革命軍之手。當由各界公推孫道仁爲大都督。許崇智爲福建海陸軍總司令。傳檄各府州縣駐軍。尅日反正。駐軍聞風響應。不旬日而全省完全光復。

南京臨時政府成立。許氏奉委爲陸軍第十四師師長。就職後。自以北伐自任。遂極力主張即日進行。而彭壽松等。志在苟安。不以爲然。卒因許一再力爭。彭等無以難。議始定。乃於一月間雨雪載塗之際。許以福建北伐軍總司令名義。率師北上。由上海以至烟台。正揮戈北指間。適南北和議告成。遂奉命。班師返閩。

十六 山東舉義

十月二十二日舉義烟台。同盟會在日本成立。海內外山東籍學生加入者。有劉冠三徐鏡心蔣衍